

Piper
by J K Annand

The hielant piper in his braws
Heedrom hodrom hi
Pluffs his rosie cheeks and blaws
Heedrom hodrom hielantman.

He gie's his oxtered bag a squeeze
Heedrom hodrom hi
And oot the bonnie music flees
Heedrom hodrom hielantman.

Fingers on the chanter prancin
Heedrom hodrom hi
Gar a bodie's feet gae dancin
Heedrom hodrom hielantman.

Some can pipe and some can sing
Heedrom hodrom hi
But I can dance the Hielant Fling
Heedrom hodrom hielantman.